



# Fixa Informativu Sobri Abortu

**Kel fixa informativu li ta diskreve kuidadus típiku di abortu, ki pode varia un poku, dipendendu di fornesedor y instalason.**

Tipu di Abortu	Medikamentus pa Abortu	Dilatason y Kuretajen (D&C)	Dilatason y Ivakuason (D&E)	Tirminason pa Induson
Otu nomis pa kel tipu di abortu li	<ul style="list-style-type: none"><li>Konprimidu pa abortu</li></ul>	<ul style="list-style-type: none"><li>Prosedimentu di abortu</li><li>Aspirason uterina a váku</li><li>Aspirason Uterina a váku</li></ul>	<ul style="list-style-type: none"><li>Prosedimentu di abortu</li></ul>	<ul style="list-style-type: none"><li>Abortu Provokadu</li><li>Abortu duranti partu</li></ul>
Kuandu ki abortu pode ser fetu	Ti 11 simana y 0 dia apartir di priméru dia di bu últimu piríudu.	Normalmenti, ti 14 simana apartir di priméru dia di bu últimu piríudu.	Normalmenti, desdi 14 simana apartir di priméru dia di bu últimu piríudu ti limiti legal.	Normalmenti, ti limiti legal.
Kuzé ki ta kontisi antis di abortu	Fornesedor di kuidadus di saúdi ta da-bu ramédi, ki ta txomadu di mifepristona y misoprostol, y el ta fla-bu modi ki bu ta toma-s.	Fornesedor di kuidadus di saúdi pode da-bu ramédi pa suaviza kolu di útero (abertura di útero) antis di prusidimentu.	Fornesedor di kuidadus di saúdi pode poi dilatador suavi na kolu di útero (na kumesu di útero) pa pokus óras ô dias antis di abortu pa stika y suaviza divagar kolu di útero. Tanbê bu pode dadu ramédis pa suaviza kolu di útero.	Ramédís ki ta txomadu di mifepristona, misoprostol, y/ô Ositosina pode ser uzadu pa kumesa partu.
Kuzé ki ta kontisi duranti abortu	Ramédis ta para gravidés y ta isvazia útero na kaza sima un abortu ispontániu. Bu ta da sigimento ku bu fornesedor di kuidadus di saúdi (pesoalmenti, pa telesaúdi, ô na laboratóriu) pa garanti ma abortu sta konkluídu.	Vara dilatador suavi ta podu na kolu di útero ti ki sta grandi sufisienti pa fornesedor di kuidadus di saúdi poi un tubu finu através di kolu di útero pa útero.  Kel tubu ta ligadu na un máquina di aspirason, ki ta ilimina gravidés ku kuidadu. Kel-li só ta leba alguns minotus.	Vara dilatador suavi ta podu na kolu di útero ti ki sta grandi sufisienti pa fornesedor di kuidadus di saúdi poi un tubu finu através di kolu di útero pa útero.  Kel tubu ta ligadu na un máquina di aspirason, ki ta ilimina gravidés ku kuidadu. Kel-li só ta leba alguns minotus.  Otus instrumentu tanbê ta uzadu pa isvazia útero konpletamenti.	Ramédís ta abri kolu di útero y ta perta útero, u ki ta pintxa gravidés pa fora.  Kel ramédi pode dadu komu forma di konprimidu na boka, na veias, ô na vajina.
Ifeitus kolateral kumun	Dor forti y txeu sagramento pode dura txeu óras.  Febri, náusia, vómitu, diaréia, dor di kabésa, xinti frakeza ô tontura, dismaia pa 24 óra.  Sangramento suavi pode dura pa 2 simana ô más	Bu ta xinti dor duranti kel prusidimentu. Ramédi di dor (anestezia) pode dexa-bu más konfortável mas pode ten más riskus.  Bu pode fika ku dor y sangramento dipôs di prusidimentu Sangramento suavi pode dura pa 2 simana ô más	Bu ta xinti dor duranti prusidimentu Ramédi di dor (anestezia) pode dexa-bu más konfortável más pode ten más riskus.  Bu pode fika ku dor y sangramento dipôs di prusidimentu Sangramento suavi pode dura pa 2 simana ô más	Dor forti.  Ramédi di dor (anestezia) pode dexa-bu más konfortável más pode ten más riskus.  Sangramento podi dura un simana ô más
Lugar di prusidimentu	Na kaza	Na sentru di saúdi ô ôspital	Na sentru di saúdi ô ôspital	Na un ôspital

## **Opsons ki bu ten en vez di abortu**

Bu pode skodje kontinua gravidés y ser mai ô faze planus pa adoson legal.

## **Kuandu ki abortu pode ser fetu na Massachusetts**

Kantu ténpu di gravidés ki bu sta nel ta txomadu di idadi jestasiunal. Bu pode faze differentis tipu di abortu na idadis di jestason differenti:

- Bu pode toma ramédi di abortu ti 11 simana y 0 dia apartir di primeru dia di bu último piríudu.
- Bu pode faze un prusidimentu di abortu ô abortu induzidu ti limiti legal, dipendendu di kritériu di fornesedor y stabelesimentu.
- Ka ten limiti di idadi di jestason pa sertus difeitus di saúdi di fetu ô si saúdi ô vida di kel algen ki sta grávida sta en prigu pamodi gravidés.

## **Kontrolu di dor duranti abortu**

- Konprimidu di dor sima ibuprufenu pode djuda ku dor.
- Anestezia lokal pode diminui dor inkuantu bu ta fika kordadu. Ta injetadu na kolu di úteru.
- Óxidu nitrozu ta djuda-bu rilaxa y ta dadu na forma di gás através di máskra.
- Sedativu muderadu ta diminui dor y ta faze-bu durmi. Ta dadu na un dózi na veias na mon (IV).
- Anestezia jeral ta para dor y ta faze-bu fika inkonsienti pa poku ténpu. El ta dadu através di IV (intravenozu) ô na forma di gás através di máskra.

## **Konplikasons raru**

- Ramédis di abortu y prusidimentus di abortu
  - Imorajia ki meste transfuson di sangi
  - Infeson
  - Tisidu di gravidés dexadu dentu di úteru
  - Riasons a ramédis
  - Prubléma di kuagulason di sangi
- Dilatason & Kuretajen (D&C), Dilatason & Ivakuason (D&E), y tirminason pa induson
  - Un ranhadura na kolu di úteru ô úteru, ô pankada na otus orgons ki ta fika pertu na bariga
  - Na kazus raru, un prusidimentu di abortu pode leba a grandis sururjia, inkluindu isterektomia (ritirada di úteru) ô frida na intistinu. Morti pode kontisi, u ki ta kontise na ménus ki 1 na 100.000 abortu y é 10 bêns más baxu ki taxa di morti pamodi partu.

## **Kontakta bu fornesedor di kuidadus di saúdi si bu sta ku**

- Txeu sangramentu
- Dor ô diskonfortu ki sta piora
- Frakeza, febri, náuzia, vómitu, ô diareia pa más di 24 óra dipôs di abortu

## Apoiou públiku

Stadu ka pode nega bu apoiu públiku ô kualker otu binifísius si bu disidi na faze un abortu ô si bu disidi na kontinua ku gravidês. Pa más informason na ilijibilidadi y binifísius, kontakta Dipartamentu di Apoiu Tranzisional di Massachusetts, <https://www.mass.gov/orgs/department-of-transitional-assistance>.

## Ajenda un abortu

- Pa atxa un provedor suguru, <https://www.abortioncaremass.org> ten un lista konpletu di fornesedoris lokal.
- Si bu mesti suporti adisiunal na atxa un fornesedor ó pa bai pa bu konsulta, bu podi txzoma Kordenador di Asésu a Abortu pa (617) 616-1636.

## Paga pa faze abortu

- MassHealth Standard y MassHealth MCOs ta kubri sirvisus di abortu. Bu fornesedor di kuidadus di saúdi ta txzoma MassHealth pa kubri kustus di prusidimentu.
- Si bu sta grávida, ta mora na Massachusetts y bu ka ten suguru, bu pode txzoma Health Care for All (Kuidadus di Saúdi pa Tudu Algen) pa djuda ku suguru na (800) 272-4232. Ka bu skesi di fla-s ma bu sta grávida pa ki bu kandidatura ser prusesadu imidiatamenti. Es pode djuda-bu mésmu ki bu ka disidi si bu ta kontinua ku gravidês ô si bu ta faze un abortu.
- Si bu ten suguru privadu, djobe ku bu planu di suguru ô fornesedor di kuidadu di saúdi pa djobe si bu planu ta kubri sirvisus di abortu.
- Si bu meste djuda na paga pa abortu, dixa bu fornesedor di kuidadu di saúdi sabi imidiatamenti. Es pode djuda-bu ku atxa apoiu finanséru y liga-u ku fundus lokal y nasiunal, ki ta djuda pesoas paga pa abortu.

## Ménoris y abortu

- Si bu ten 16 anu ô más bedju, bu ten direitu legal di skodje y otorizason pa bu própi abortu. Bu ka meste otorizason di pais ô tutor.
- Si bo é ménor di 16 anu y bo é kazadu, viúva, divorsiada, ô ménor emansipadu, bu ten direitu legal di skodje y otorizason pa bu própi abortu.
- Si bo é ménor di 16 anu y bu ka ta kunpri kes kritérius di riba, bu ten dôs opsons:
  1. Bu pode traze un pai ô inkaregadu pa da otorizason pa bu disizon.
  2. Un juiz pode aprova-bu pa bu skodje abortu sen fla bus pais ô tutor Kordenadoris di Asésu a Abortu pode liga-bu ku un advogadu di grasa. Advogadu ta marka un runion ku juiz y ta djuda-bu duranti prusésu. Kordenadoris di Asésu a Abortu podi kontaktadu na (617) 616-1636.